



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԱԳՆԵՐՈՒ ԱՐԵՄՍՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ԹԵՄԻՍ ԿԻՐԱԿՆՕՐԵԱՅ ԴՊՐՈՑՆԵՐՈՒ ՈՒՍՈՒՑՉԱԿԱՆ ԿԱԶՄԵՐՈՒ ՄԻՕՐԵԱՅ ՀԱՄԱԳՈՒՄԱՐ

Մանուկներու եւ պատանիներու կրօնադաստիարակչական եւ հայեցի կրթութեան նուիրուած մեր Կիրակնօրեայ Դպրոցները կը վայելեն անվերապահ հոգածութիւնն ու հովանաւորութիւնը Թեմիս բարեջան Առաջնորդ Բարձրաշնորհ Տ. Մուշեղ Ա. Արք. Մարտիրոսեանի: Կամաւոր եւ գիտակից ուսուցչական կազմերու խնամքին եւ հոգածութեան յանձնուած երկսեռ աշակերտութեան՝ ամէն Կիրակի մեծ սիրով, համբերութեամբ եւ աչալուրջ յանձնառութեամբ կ'ուսուցուին անտարանական պատումներ եւ աստուածաշնչական դրուագներ, սաղմոս, աղօթք, շարական ինչպէս նաեւ կրօնական եւ եկեղեցագիտական ծանօթութիւն կը ջամբուի մեր նոր սերունդի զաւակներուն:

Առաջնորդ Սրբազան Հօր նախագահութեամբ եւ Կիրակնօրեայ Դպրոցներու Վարիչ Մարմնի նախաձեռնութեամբ, 2009-10 ուսումնական տարեշրջանի եւ վերամուտի առթիւ Շաբաթ, Հոկտեմբեր 3-ին, միօրեայ լսարան-հաւաք տեղի ունեցաւ Կիրակնօրեայ Դպրոցներու տեսուչներուն եւ ուսուցիչներուն համար, Ազգ. Առաջնորդարանի «Տիգրան եւ Չարուհի Տեր Ղազարեան» սրահին մէջ:

Համագումարին կը մասնակցեին շուրջ քառասուն ուսուցիչ-ուսուցչուհիներ, կրօնական դաստիարակութեան գրասենեակի վարիչներ՝ Գերայ. Տ. Միւռն Շ. Վրդ. Ազնիկեան եւ Հոգշ. Տ. Պարթեւ Վրդ. Կիւլիմեան, Ս. Խաչ Մայր Տաճարի Հոգեւոր Հովիտներ Արժ. Տ. Նարեկ Քիւյ. Փեղիվանեան եւ Արժ. Տ. Աշոտ Քիւյ. Գամպուրեան:

Հաւաքական կարճ աղօթքէ, «Կիրակնօրեայ սուրբ յարկին» մաղթանք քայլերգէ ետք, Վարիչ Մարմնի ատենապետ Տիար Յակոբ Զաղացպանեան կատարեց բացման խօսքը: Լսարան-հաւաքի աշխատանքներու վարիչ՝ Գերայ. Տ. Միւռն Շ. Վրդ. Ազնիկեան կատարեց հոգեւոր խորհրդածութիւն, ապա ներկայացուց Կիրակնօրեայ Դպրոցներու աշխատանքներու տարեկան ծրագիրը: Արժ. Տ. Նարեկ Քիւյ. եւ Արժ. Տ. Աշոտ քահանայ հայրերը ամփոփ գիծերու մէջ ներկայացուցին Նիկիոյ (325), Կ. Պոլսոյ (381) եւ Եփեսոսի (431) Տիեզերական ժողովներու պատմական, ժամանակագրական դէպքերու հոլովոյթը, վեր առին կիրակնօրեայ դպրոցներու կարեւորութիւնը, ինչպէս նաեւ շեշտեցին անհրաժեշտութիւնը կիրակնօրեայ դպրոց յաճախող աշակերտութիւնը ուսուցանել եւ դաստիարակել Առաքելական ուղղափառ հաւատքի հիմունքներով:

Տիկ. Նուարդ Մաթինեան, խօսեցաւ կիրակնօրեայ դպրոցներուն վստահուած մանուկներու հոգեւոր աճման նպաստող դերին մասին: Տիար Ռաֆֆի Թորոսեան, տասը ամփոփ եւ հետաքրքրական կէտերու մէջ ներկայացուց աստուածաշնչական դէմքերու, դէպքերու եւ ուսուցումներու ուղղափառ եւ գործնական մեթոտները: Իսկ Տիկ. Սեդա Զէչեճեան, խօսեցաւ սաղմոս, աղօթք թէ ոսկեղէն համարներ, աշակերտութեան բացատրելու, սիրցնելու եւ դիւրաւ ուսուցանելու հետաքրքիր ոճերու եւ մեթոտներու մասին:

Հայր Պարթեւ բացատրեց եւ ներկայացուց շարականներու փոխանցած դաստիարակչական հոգեւոր դերակատարութիւնն ու ձգած ազդեցութիւնը մանուկներու ներաշխարհին վրայ, շեշտելով որ երգը մեր ներաշխարհի ապրումներուն, յոյզերուն եւ զգացումներուն, ինչպէս նաեւ պատմական դէպքեր եւ պատումներ նկարագրելու եւ ներկայացնելու կենդանի, հաղորդական ու անմիջական դրսեւորում է: Մասնաւորաբար մեր շարականները, ըսաւ զեկուցաբեր Հայր Սուրբը, որպէս գրական սեռ, ունին հոգեւոր, դաստիարակչական բնոյթ՝ աստուածաշնչական դէպքեր, հրաշքեր եւ սրբոց վարքը նկարագրելու եւ անտարանական ու բարոյական ճշմարտութիւններ ուսուցանելու, դաստիարակելու, քաջալերելու եւ դէպի Աստուած առաջնորդելու:

Բարոյալից պատմութիւններու, անտարանական հրաշքերու, դէպքերու եւ դէմքերու խտասալիկ-տեսաերիզներ օգտագործելու, ինչպէս նաեւ կրօնական բնոյթի համացանցի թեքնիք գործածութեան, վարժութեան եւ մեթոտներու մասին զեկուցեց Տիար Պերճ Ճամճեան: Այս առթիւ ներկաներուն փոխանցուեցաւ կրօնադաստիարակչական բնոյթի օգտակար կայքէջերու ցանկ մը եւ խտասալիկ մը սուրբ գրային դէպքերու, հրաշքերու եւ Քրիստոսի առաքելական կեանքին:

Թեմիս Բարեջան Առաջնորդ Բարձր. Տ. Մուշեղ Ս. Արք. Մարտիրոսեան, գնահատական եւ քաջալերական խօսքերով վեր առաւ դաստիարակչական բնոյթով կազմակերպուած նման հաւաքներու անհրաժեշտութիւնն ու օգտակարութիւնը, եւ այս առթիւ իր թելադրութիւններն ու բարեմաղթութիւնները ըրաւ, ըլլալ ծառայասեր, նուիրուիլ աղօթանուէր կեանքի, բարիք գործել եւ բարիք սփռել եւ առաքիւնութեան գործերու նախանձախնդիր ըլլալ:

Համագումարին մասնակցող ուսուցիչ-ուսուցչուհիներ առիթ ունեցան նաեւ իրենց կիրակնօրեայ դպրոցներու վերաբերեալ մտահոգութիւններ եւ կրօնա-դաստիարակչական ծրագիրներուն առնչուող հարցեր արծարծել:

Հաւաքը խմբային նկարով եւ փակման աղօթքով՝ Կիրակնօրեայ դպրոցներու ուսուցչաց միօրեայ հաւաքը վերջ գտաւ յետ միջօրէի ժամը հինգին: Կիրակնօրեայ դպրոցներու ուսուցչակազմեր՝ նոր գիտելիքներով եւ հոգեւոր ծանօթութիւններով հարստացած, գոհունակ մեկնեցան եկեղեցւոյ շրջափակէն, վերահաստատելով իրենց յանձնառութիւնը եւ նուիրումը՝ իրենց ինամբին յանձնուած հայ մանուկներն ու պատանիները կրօնական եւ հայեցի առողջ կրթութեամբ դաստիարակելու, եւ նման շինիչ ու օգտակար հաւաքներ եւ առիթներ յաճախ կազմակերպելու:

Նոյն օրը, երեկոյեան ժամը 6-ին, Ազգային Առաջնորդարանի «Ս. Տրդատ եւ Ս. Աշխէն» մատրան մէջ Ս. Պատարագ մատուցուեցաւ: Ս. Պատարագը մատուցանեց Արժ. Տ. Նարեկ Քհլյ. Փեղիվանեան:

SUNDAY SCHOOL SEMINAR HELD AT THE PRELACY

On Saturday, October 3rd, 2009, the first Sunday School seminar of the 2009-2010 school year was held at the Prelacy “Dikran and Zarouhie Der Ghazarian” Hall under the auspices of H.E. Archbishop Moushegh Mardirossian, Prelate, and organized by the Sunday Schools’ Directorate. Participating in the conference were Very Rev. Fathers Muron Aznikian and Barthev Gulumian, pastors of Holy Cross Cathedral Rev. Fathers Nareg Pehlivanian and Ashod Kambourian, and over 40 directors and teachers.

Following the opening prayer, Chairman Mr. Hagop Tchagaspanian welcomed the participants and invited Fr. Muron to offer the day’s spiritual meditation and to present the activities report for the new school year. A presentation on the Councils of Nicaea, Constantinople, and Ephesus followed by Rev. Fr. Nareg and Rev. Fr. Ashod, both of whom lauded the mission of our Sunday Schools and the importance of educating our youth on the foundations of our Apostolic faith.

Presentations were also given by Mrs. Nevert Madinian, Mr. Raffi Torossian, and Mrs. Seta Kejejian, focusing on the role of Sunday Schools and new teaching methods.

Fr. Barthev spoke on how hymns can be used as instructional tools, explaining that our hymns have not only spiritual but educational value as well, which teach us about Biblical events, miracles, saints, and morality.

A presentation by Mr. Berdj Djamdjian followed on how teachers can incorporate computer technology and interactive resources in their teachings, and a list of websites as well as a CD on Biblical events, saints, and the life of Christ was distributed to the participants.

The Prelate was then invited to deliver his remarks. The Prelate commended the organizers and participants, stressing the significance and usefulness of such seminars, and offered his guidance and encouragement for all to continue their service, to live a God-pleasing life, to do good and spread goodness.

The participants also had the opportunity to voice their concerns and exchange thoughts and ideas based on their individual experiences.

The seminar concluded at 5:00 p.m. with prayer and a group photo.

At 6:00 p.m., the directors and teachers participated in Divine Liturgy which takes place at the Prelacy “St. Dertad and St. Ashkhen Chapel” on a monthly basis. Rev. Fr. Nareg Pehlivanian celebrated Divine Liturgy.